



OPĆINSKA
ORGANIZACIJA
TEŠANJ

e-sda**info**

www.sdatesanj.com

e-mail: sdatesanj@sdatesanj.com

Četvrtak, 24. 11. 2011.

Vanredno izdanje

SADRŽAJ:

Sjećanje na prvog predsjednika SDA Tešanj

1. Prvi memorijalni turnir u malom nogometu „Senad Hodžić“
2. Okrugli sto i projekcija filma na temu: „Život i djelo Senada Hodžića“

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću e-mail adresu: sdatesanj@sdatesanj.com.

Molimo vas da ovaj elektronski bilten prosljedite svim zainteresiranim.

Ukoliko želite da objavite neke od vaših novosti, iskoristite ovaj elektronski bilten.

Sa zadovoljstvom očekujem vaše komentare, sugestije, pitanja i primjedbe.

Komisija za informisanje
OO SDA Tešanj

SJEĆANJE NA PRVOG PREDsjedNIKA SDA TEŠANJ

Iz biografije rahmetli Senada Hodžića



Senad Hodžić je rođen **13. aprila 1958.** godine u Zenici. Oženjen, otac dvoje djece. Završio je studij ekonomije na Ekonomskom fakultetu u Sarajevu. Jedan je od osnivača SDA Tešanj, predsjednik Regionalnog odbora SDA Doboje. Poslanik u Skupštini BiH, vijeće građana. Zaposlen u MUP-u RBiH. Postavljen na dužnost načelnika Sektora javne bezbjednosti CSB-a Doboje 01. 08. 1991. godine. Poginuo **20. 11. 1991.** u saobraćajnoj nesreći pod nerazjašnjenim okolnostima. Poznat po svojim beskompromisnim kratkim i jasnim obraćanjima u Parlamentu RBiH, Općinsko vijeće Tešanj je u znak sjećanja dalo njegovo ime jednoj prometnoj ulici u njegovom mjestu.

PRVI MEMORIJALNI TURNIR U MALOM NOGOMETU “SENAD HODŽIĆ”





“Bio je rat, a rat je velika nepogrješiva proba. Za članove budućeg parlamenta na odgovorna mjesta u Vladi ili Stranci trebamo ubuduće kandidirati isključivo ljude koji su položili ispit u minulom ratu, po mogućnosti neposredno u borbi, i nećemo pogriješiti. Oni koji su odbranili Zemlju u ratu, znat će na najbolji način štititi njene interese u miru.”

Alija Izetbegović, prvi predsjednik BiH

Kad sve proživiš i izdržiš, kad se nakon stotinu pokleknuća ponovo podigneš, kad se odrekneš lažne nade i utjehe i stisneš zube da bi otvoreno pogledao istini u oči, tada shvatiš da je sav smisao života u borbi protiv zla. U ovoj borbi vrlo malo se može učiniti, ali ona je jedino što nam preostaje. Izvan nje je propast i umiranje zauvijek.”

Prvi predsjednik BiH, Alija Izetbegović

U povodu obilježavanja dvadesete godišnjice od smrti prvog predsjednika SDA Tešanj Senada Hodžića, OO SDA Tešanj organizovala je **19. 11. 2011. g.** (subota) s početkom u 10,00 sati Prvi memorijalni turnir u malom nogometu „**Senad Hodžić**“, u sportskoj dvorani O.š. „Huso Hodžić“, Tešanj.

Učesnici turnira su bile Općinske organizacije s područja ZDK i Općinskih organizacija Regije Sjeverna Bosna. Na turniru učešće je uzelo deset ekipa, a među najboljim su bili, MO SDA Jablanica i AM SDA Doboju, OO SDA Doboju.

Učesnicima, gostima i članovima porodice Hodžić na turniru se obratio gosp. Šemsudin Mehmedović, predsjednik OO SDA Tešanj, te tom prilikom i zvanično otvorio Prvi memorijalni turnir u malom nogometu “Senad Hodžić”.

Gđa. Bernadeta Galijašević, ministrica obrazovanja, nauke, kulture i sporta ZDK, učesnicima je dodijelila zahvalnice, a po završetku najboljim ekipama pehare i nagrade.



OKRUGLI STO I PROJEKCIJA FILMA NA TEMU: „ŽIVOT I DJELO SENADA HODŽIĆA“



U povodu obilježavanja dvadesete godišnjice od smrti prvog predsjednika SDA Tešanj Senada Hodžića, OO SDA Tešanj organizovala je u nedjelju, **20. 11. 2011. g.** s početkom u 10,00 sati u prostorijama Male sale CKO Tešanj Okrugli sto i projekciju filma na temu „Život i djelo Senada Hodžića“.

Nakon uvodnih riječi i učenja fatihe, prikazan je film “Senad Hodžić – čovjek od formata”.



Ovo je danas vrijeme da pokažemo našu odlučnost, da budemo jaki, da više ne bismo ovisili o milosti svijeta, kako nam se nikad više ne bi ponovilo slično zlo kao u zadnjem ratu.”

Alija Izetbegović, prvi predsjednik BiH

“Stoga, podignimo visoko naše zastave, odbacimo strah i sumnje, umjesto toga radimo vrijedno i kako najbolje znamo, svjesni da naš život i naša smrt, pa i naša sudbina, nisu u njihovim, nego u Božijim rukama. U toj vjeri je naša sloboda, naša snaga i, ako Bog da, naša pobjeda.”

Alija Izetbegović, prvi predsjednik BiH



Sedmično video obraćanje, predsjednika OO SDA Tešanj, potpredsjednika SDA BiH i zastupnika u PSBiH, **Šemsudina Mehmedovića** simboličnog naziva „Petkom u 9“.

U prepunoj sali CKO Tešanj građani, članovi i simpatizeri stranke i gosti imali su priliku upoznati se s likom i djelom Senada Hodžića. Vrlo emotivno, ali i objektivno govorili su zatim o rahmetli Senadu Hodžiću njegovim najbližim saradnicima, prijateljima i kolegama. Govorilo se i o okolnostima pod kojim je osnovana SDA, te težini bremena koju su nosili oni koji su se u to vrijeme odlučili boriti za nacionalna prava i slobodu.

Gosp. Irfan Ljevaković i gosp. Osman Brka su ovom prilikom ispričali anegdota koja umnogome rasvjetljava okolnosti pod kojima je umro rahmetli Senad Hodžić. Kazali su oni da su se jedne prilike sedmicu pred smrt rahmetli Senada Hodžića sastali i razgovarali o težini situacije u kojoj se našla BiH kao i muslimani. Tom prilikom im je Senad rekao da će neko od njih četvorice biti ubijen, misleći na g. Osmana Brku, g. Irfana Ljevakovića, g. Muhameda Čemana i sebe. Tad je rekao g. Osmanu da ako to bude g. Osman, da čemu na dženazi biti 10 000 ljudi, a ako bude on, da zadužuje Osmana da njemu dovede 10 000 ljudi na dženazu. Na dženazi Senada Hodžića sedam dana kasnije bilo je preko 10 000 ljudi i iako je službeno njegova smrt bila prikazana kao saobraćajna nesreća, on i danas smatraju da je to bilo političko ubistvo.

Nakon Okruglog stola i filma svi prisutni su se uputili u Čaršijsku džamiju u kojoj je proučena hatma dova rahmetli predsjedniku, a odmah zatim svi su se uputili na mezar gdje su kćerka rahmetli Senada Hodžića i gosp. Šemsudin Mehmedović, predsjednik OO SDA Tešanj, položili bijele ljiljane na njegov mezar te zatim proučena fatiha.

